


Бу ҳақида нима дейсизлар?



14:31 / 09.04.2022 3777

Саҳобалар буюк бир дарс арафасида туришганини билишмас эди. Набий алайҳиссалом улар билан бирга ўтирган эдилар. Ҳаммаси оддий эди. Дунё ишларида бирор-бир янгилик йўқ эди. Дин ишларида эса бугунчалик ҳали ваҳий ҳам тушиб улгурмаган эди. Шу пайт уларнинг олдидан бир киши салом бериб ўтиб кетди. Набий соллаллоҳу алайҳи васаллам сўрадилар:

- Бу киши ҳақида нима дейсизлар?

Саҳобалар дейишиди:

- Қавмининг улуғ ва бой кишиси. Аллоҳга қасамки, у бировга совчи бўлса унга қиз берса бўлади. Бировга шафоатчилик қилиб ўртага тушса шафоатчилиги қабул қилинади!

Набий соллаллоҳу алайҳи васаллам сукут сақлаб ҳеч нарса демадилар. Озгина вақт ўтиб фақир мусулмонлардан бир киши у ердан салом бериб ўтиб кетди. Расулуллоҳ соллаллоҳу алайҳи васаллам саҳобалардан сўрадилар:

- Бу киши ҳақида нима дейсизлар?

Саҳобалар дейишиди:

- Бу киши камбағал, мусулмон бир киши. Аллоҳга қасамки, у бирөвга совчи бўлиб борса унга қиз беришмайди. Бирөвга ўртага тушса ўртакашлиги қабул қилинмайдиган кишидир!

Шунда Расууллоҳ соллаллоҳу алайҳи васаллам дедилар:

- Аллоҳга қасамки, мана шу фақир киши ер юзи тўла нариги кишига ўхшаганлардан яхшироқдир!

Инсонлар ҳамма даврда ҳам инсонлигича қолаверади. Уларни ташқи кўриниш алдайди. Уларнинг қалбини кўраётган ва эшитаётган нарсалари сеҳрлайди. Чунки инсонлар дунёга дунё кўзи билан боқишиади. Агар дунёга охират назари ила боқишганда аниқки, бошқача ҳукм қилган бўлишар эди!

Ташқи кўринишимизнинг гўзал бўлиши яхши нарса. Аммо сиз кўраётган мана шу чиройли кийим остида чириган қалб яширинган бўлсачи. Сиз буни қаердан биласиз?! Балки бу бежирим бренд куйлак остида бузуқ нафс бордир?!

Бойлик яхши нарса. Аммо сиз қаердан биласиз, балки бу бойлик ортида ўзгаларнинг молини ейиш, хиёнат, зулм, рибо орқали топилган ҳаром мол бордир?!

Шириң тил инсонни мафтун қиласди. Аммо мана шу шириң тилнинг ортида йиртқич бўри ёки чақиши кутиб турган заҳарли илон турган бўлса, сиз қаердан биласиз?!

Тўғри, биз зоҳирга қарашга амр қилингандик. Инсонларнинг ботинини Аллоҳга ҳавола қиласди. Аммо бу дегани банда содда бўлиши керак, кўрган нарсасига ишонавериши лозим, дегани эмас.

Ҳақиқий қаҳрамонлик спорт саройларида оғир тошларни кўтариш эмас, бомдод намозига етиш учун устингиздаги кўрпани кўтаришдир!

Ҳақиқий чирой расмий костюм-шим ёки зеб-зийнатли кийимларда эмас. У чиройли қалбда, покиза нафсада ва инсонларга яхшиликни соғинишдадир!

Инсонларга Аллоҳга яқинлиги ёки Ундан узоқлигига қараб ҳукм қилинг. Инсонларга уларнинг кишиларга яхшилик қилиши ёки ёмонлик қилишига қараб ҳукм қилинг!

Ҳақиқий қаҳрамон Аллоҳнинг шариати олдида тўхтайдиган кишидир. Гарчи ҳар куни битта жангда ғалаба қозонсада, Аллоҳнинг чегараларидан

тажовуз қиладиган кишилар құрқоқ кишилардир!

Бир йигит бир қызға совчи юборди. Қизнинг отаси йигит билан гаплашиши лозимлигини айтди. Учрашишганда ундан унинг иш жойи, маскани ва маоши қанчалигини сұрамади. У йигитдан битта савол сұради:

- Бомдодга соат неччидә азон айтиляпти?

Йигит жавоб берә олмади.

Қизнинг отаси деди:

- Бизнинг турмушға берадиган қизимиз йүқ!

Абдулқодир Полвонов